

# جَزِيدَةُ مَحَاكِمَتِ

جمعه ايرتسى

نومرو	جمادى الاول	سنه	تشرين اول	سنه	صحيفه
۸۴۷	۲۱	۱۳۱۳	۲۸	۱۳۱۱	۱۱۸۶۹

( اشبو غزته بهر هفته جمعه ايرتسى كونلرى چيقار . سنه لى درسعات ايجون مجديه يكرمى فروش )  
( حسابيله التمش فروشدر . طشره لر ايجون اون بش فروش پوسته اجرتى ضم اولنور . بهر )  
( نسخه سى ينه مجديه يكرمى فروش اولق اوزره يوزپاره به هر رده ساتيلور . درج اولنه جق )  
( اعلانك هر برندن بر مجديه اخذ اولنور . سنه لکنه مشترى اولق استيانلر عدليه نظارى )  
( دائره سنده كان جریده محاکم اداره سنه مراجعت ايليدر )

لرنده محرر يوم ووقته بالذات دائره حاضره  
بولنلرى ويا طرفلرندن بر وکیل کوندر ملرى  
وبالذات حاضره بولنملرلى ويا خود طرفلرندن  
بر وکیل کوندر مدکلرى حلاله حاضره بولنلر  
طرفك طلبيله حکم قانونك اجرا ايديله جکی  
اعلان اولنور .

في ۱۶ تشرين اول سنه ۳۱۱

## قسمت سهی

حسب الموسم كونلرك عدم مساعده سى  
جهتله درسعات بدايت محكمه سى ايكنجهي حقوق  
دائره سى سنه حاليه تشرين اولنك اون بشندن  
اعتباراً ساعت بشده كشاد اولنورق التى به قدر  
امور داخليله ايله اشتغال واصحاب مصالحك افاده .  
لرني استماع اولندقدنصكره التى بچقده محاكمه به  
بدأ اولنه جفتدن اصحاب مصالحك دعوتيه ورقه .

### قسم غیر رسمی

نیکده بدایت محکمه سندن ۲۶ شباط سنه ۳۰۰  
تاریخی وسکسان یدی عددی ایله ویریلان  
اعلامک تمیزی استدا ایدن نیکده به تابع فرنگ  
قبه سنده ساکنه الی قادین ایله مدعی علیه  
اطنه ولایتی استیناف محکمه سی مدعی عمومی  
عزتو غالب بک یوم معینده دائره به کمد کلرندن  
اصول محاکمه حقوقیه قانونک ایکوز یکر می  
طبقه وزنجی ماده سی موجبجه تدقیقات تمیزی  
اجراسنه ابتدار قلندی .


اعلام مذکورک خلاصه مالی مومی ایله  
غالب بک پدر ومورنی متوفی سعید افتدینک  
مزبورده الی قادین ذمتده مطلوبی اولان یکر می  
بر بیک غروشک مزبورده دن تحصیلنی طلب  
وددعوی وکر چه دین مذکورنی ناطق سند  
ضایع اولمش ایسه ده صدق مدعاسی مزبورده الی  
قادینک مبلغ مذکورک متوقای مومی البه بورجی  
اولدیفنی محضر شهودده واولجه نیکده تجارت  
محکمه سنه ویردیکی استداده کی اقراری واخیراً

کندیسیله سکسان ایرایه طالبنه صلح اولسیله  
مثبت بولدیفتنی علاوه افاده وانبا ایتسنه قارشو  
عند المحاکمه مزبورده الی قادین دخی دین مذکور  
ری وطالبنه صلح اولدیفتنی انکار ایله استدعای  
مذکورده محرر امضاسنی اقرار ایدرک انجق  
عرضحال مذکورک مواضعه ویرلمش ومدعی  
بهی اقراره دائر اولان جهتک کاتبک سهوندن  
ایروکلش ایدوکنی مدافعه درمیان ایلمش  
ایسه ده مزبورده نک عرضحال مذکورده کی  
امضاسنی اقرار ایتسی مدعابک سخته دلیل  
اولدیفنی کی مزبورده نک مبلغ مدعا بهد نظولای  
اخیراً خارجده سکسان ایرایه طالبنه صلح اولدیفنی  
اولیابده استماع قلنسان شهودک شهادتلیله ثابت  
اولسنه بناء مجله نک بیک التیوز قرق ایکنجی  
ماده سی موجبجه مبلغ مدعابک مع فائض مزبور  
ره دن تحصیلنه حکمدن ومستدعیه التینک اشبو  
قرار علیهنده کی باشلوجه اعتراضاتی خصمی  
مومی ایله غالب بک دیگر اوج برادر یله ایکی  
همشیره سی اولسیسیله میر مومی الیهک یالکز  
کندی حصه سنی طلبه حق اولوب انلر طرفندن  
بر کونه وکالتی حائز اولدیفنی حالده محکمه جه  
بوراسنه دقت اولنیمه رق مبلغ مدعا بهک مجموعیله  
کندوسنک محکوم طوتلمسی مخالف قانون

اولدیفتدن بختله اعلامک تقضی استداسندن  
ومدعی علیه غالب بکک نتیجه جوابی دخی  
دعوای واقعه ده کندوسنک دیگر وارنلر طرفندن  
وکالتی حائز اولماسی حین اجراده یالکز حصه  
مصیبه سنی المستی موجب اولوب حکم واقعه  
بر کونه تأثیری بولمدیفته بناء اعتراض مذکور  
رک ردیله اعلامک تسدیقی طلبندن عبارت  
بولمشدر .

ایجابی لدی المذاکره اعلام مذکور  
مطالعہ سندن منقہم اولدیفنی اوزره مزبورده التینک  
امضاسیله ممضی اوله رق مومی ایله غالب بک  
طرفندن ابراز ایدیلان استدعا مندرجاتنده کی  
اقراری دین واقعک سخته دلیل واماره عد  
اولمش ایسه ده اثنای محاکمه ده مزبورده الی قادین  
اقرار مذکورک مواضعه وقوعنی بیان ایتسی  
مندرجات عرضحالی کاذباً اقرار دعواسندن  
عبارت بولمسنه کوره مزبورده نک اشبو اقرارنده  
کاذب اولدیفته دائر طلبیله خصمی مومی ایله  
غالب بکک امر تحلیفی مقتضی اولدیفنی حالده  
محکمه جه بوراسنه دقت واعتنا اولنماسی وخصوصیله  
بدایه مدعی بولنان مومی ایله غالب بکک مبلغ  
مدعی بهده مشترکی اولق اوزره برادر وهمشیره  
لی اولدیفنی درمیان ایدلمسنه ومیر مومی الیهک

ادعاسی دخی حصه ارنیه سنی طلبندن عبارت  
بولمسنه نظراً متوقای مومی الیهک وراتی  
کیملره منحصر اولدیفنی مرجعجه تعیین اولند  
قدنصکره مبلغ مذکوردن مدعی میر مومی  
الیهک وراتی جهتیله حصه ارنیه سنه اصابت ایدن  
مقدارک تحصیلنه حکم ایدلمسی مقتضی ایکن محکمه  
مذکورده جه بوجهتک دخی نظر دقتہ التمسزین  
یالکز میر مومی الیهک دعواسیله مدعی بهک  
بمجموعه حکم اعطا ایدلمسی مخالف اصول وقانون  
اولدیفته ومستدعیه مزبورده نک اعتراضاتی دخی  
بوجهته متدائر اولسی جهتیله شایان قبول کورلد  
یکنه بناء اصول محاکمه حقوقیه قانونک ایکوز  
اوتوز ایکنجی ماده سی موجبجه اعلام مذکورک  
تقضیه قانون مزبورک ایکوز قرق درنجی  
ماده سی حکمنه توفیقاً کیفیتک بالرؤیه اعلامه ربطی  
ضمننده محکمه مذکورده به اعاده سنه وزیرده  
مفرداتی مرقم درتیوز درت بچق غروش  
مصارف محاکمه نک ایلروده حقسز چیقہ جق  
طرفه رجوع ایتک اوزره اول امرده مستدعی  
مزبورده دن استیفا سنه ۲۵ مایس سنه ۳۰۷  
تاریخنده متفقاً قرار ویرلدی .



بك اوغلى بدایت محكمه سی برنجی حقوق  
دائرة سندن ۲۲ كانون اول سنه ۳۱۰ تاریخی  
وایکوز التمش بر عددی ایله صادر اولان  
اعلامك تميزینی استدا ایدن بوغاز ایچنده  
استینده ساخلخانه سنده ساکنه مرحوم رشید  
پاشا حفیده سی عایشه فطینه خانمک وکیلی اغوب  
ترید یان افندی ایله مدعی علیه یکی کویده  
پنایی محله سنده یوز نومرولی دکانده ساکن  
قصاب نیقو یوم معینده دائره یه کیش اولد  
قلرندن ایضاحات شفاهی لری استماع قلندقدن  
صکره تدقیقات تميزیه اجراسنه ابتدار اولندی .

اعلام مذکورک خلاصه مالی مرقوم  
نیقو کندوسنک لحم اتمانندن طولای مومی  
الیها عایشه فطینه خانم ذمتده غیراز استیفا  
مطلوبی اولان التی بیک یتمش طقوز غروشک  
مومی الیهادن تحصیلانی طلب ودعوی ومومی  
الیهانک ختمی حاوی برقطعه ذمات دفتری  
ابراز واعطا ایتسی ودعوت واقعه مدعی علیها  
فطینه خانمک اجابت ایتماسی اوزرینه وکیل  
مسخر حضورنده سبق ایدن محاکات وتدقیقات  
نتیجه سنده عند الاعتراض مدعی علیها جانبندن  
انکار وقوعنده ایجاب قانونیسنه باقلمق اوزره

مبلغ مدعاهک خانم مومی الیهادن تحصیلنه غیاباً  
حکمدن ومستدعی تميز فطینه خانمک وکیلی  
اغوب ترید یان افندی اشبو حکم علیهنده کی  
اعتراضاتنک باشلوجه سی بدایه تعیین قلنان یوم  
محاکمک وقت وزمانی لایقوله اکلایشیله مامش  
اولسندن طولای عند الحاکمه حاضر بوللمامش  
اولدینی کبی مرقوم نیقونک انشای محاکمه  
ابراز ایلدیکی دفترک زیرنده کی مهردن موکله سنک  
قطعا معلوماتی بولندی و بوبابده بر کونه محاسبه  
مسبوق اولدینی و مرقومه لحم اتمانندن موکله سنک  
یا لکیز اوچ بیک غروش دینی اولدینی موکله سنک  
یومیه دفترنده مقید بولندی جهتله فضله ادعاسی  
خلاف واقع اولدینی حالده بورالری تدقیق  
اولتمسزین موکلنک غیاباً محکومیتی طرفنه  
کیدلسی مغایر قانون اولدیغندن بحمله اعلامک  
نقضی استدعاسندن ومدعی علیه نیقونک نتیجه  
جوابی دخی تبلیغ قلنان احضارده یوم محاکمه نک  
وقت وساعتی تعیین قلنمش اولدینی جهتله بوجهته  
متدائر اعتراض نامجل اولدیغندن خانم مومی  
الیهانک کندوسنه التی بیک کسور غروش دینی  
بولندی اقرار بالکتابه سی محتوی ذمات دفترنده  
مصرح اولسی جهتله اوچ بیک غروشندن فضله  
دینی انکار ایتسی شایان قبول اولدینی بیانیله

اعتراضات واقعه نک ردی وموافق اصول وقانون  
اولان اعلامک تصدیقی طلبندن عبارت  
بولنمشدر .

ایجابی لدی المذاکره تميزی طلب اولنان  
اعلام مذکور مندرجاتندن اکلایشدینی اوزره  
مومی الیه عایشه فطینه خانمک مرقوم نیقویه  
بامفردات دینی اولدینی اکلایشیلان التی بیک  
یتمش طقوز غروشک مومی الیهادن بالتحصیل  
مرقوم نیقویه اعطاسنه غیاباً حکم اولنمش ایسه ده  
بدایه مومی الیهانک دعوت واقعه یه اجابت  
ایتماسی اوزرینه تعیین قلنان وکیل مسخر  
حضورنده مجله نک بیک سکزبوز اوتوز دردنچی  
واصول محاکمه حقوقه قانوننک یوز قرق بشنچی  
ماده لری احکامنه توفیقاً مدعینک دعوی وینه  
سی استماع قلنمش واثبات مدعاندن اظهار عجزی  
تقدیرنده اولوقت مدعی علیهانک عند الاعتراض  
تحلیفه تعلیقاً اعطای حکم اولنمش مقتضی اولدینی  
حالده عند الاعتراض ایجاب قانونیسنه باقلمق  
اوزره مبلغ مدعاهک مدعی علیهان تحصیلنه  
قرار ویرلسی یولسز ومغایر اصول وقانون  
بولنمش ومستدعی وکیلنک باشلوجه اعتراضی  
دخی بوجهته متدائر اولارق شایان قبول کور.

تمش اولدیغندن اصول محاکمه حقوقه قانوننک  
ایکیوز اوتوز ایکنچی ماده سی موجبجه اعلام  
مذکورک تقضیه قانون مذکورک ایکیوز قرق  
دردنچی ماده سی حکمنه توفیقاً کیفیتک حکم  
واعلامه ربطی ضمننده محکمه مرقومه یه اعاده سنه  
وزیرده مفرداتی مرقوم درتیوز اون طقوز ییچ  
غروش مصارف تميزیه نک ایلروده حقسز  
حقیقه جق طرفد رجوع ایتک اوزره اول امرده  
مستدعیه مومی الیه عایشه فطینه خانمک التی سنه  
فی ۸ حیران سنه ۳۱۱ تاریخنده متفقاً قرار  
ویرله رک تفهیم قلندی .

اراج بدایت محکمه سندن ۴ تموز سنه ۳۰۷  
تاریخی ویکرمی عددی ایله صادر اولان اعلامک  
تیمیزی اراج قضاسی زراعت بانکه سی وکیلی توفیق  
افندی طرفندن باعرتحال استدا قلنمش ویوم  
معینده بانق مذکور وکیلی اوخانس افندی وکاله  
کلوب مدعی علیه قضاء مذکورک کورنه قریه سنده  
مقیم ابراهیم بشه اوغلی احمد افندی کلدیکی کبی  
جواب لایحسی دخی کوندرما مش اولدیغندن

یا لکز وکیل مومی الیهک ایضاحات شفاهیه سیله  
باش مدعی عمومی معاونان ندن سعادتلو یور غاکی  
افدینک مطالعه سی استماع اولندقدن صکره  
تدقیقات تمیزیه اجراسنه ابتدار اولندی .

اعلام مذکورک خلاصه مالی آراج زراعت  
باق شعبه سی وکیلی توفیق افندی مزبور احمد  
افدینک محلی زراعت باقه سنه ایکی قطعه سند  
موجبجه بقیه دینی بولنان التیوز سکر بقی  
غروشک مع فائض مدیون مرقومدن تحصیلنی  
طلب ودعوی ایتمی وعند المحاکمه مزبور احمد  
افندی دخی سند مذکور بالاقرار انحق تواریخ  
مختلفه ایله مذکور زراعت باقه سنه درتیوز  
یتمش سکر غروش تسلیاتی اولدیغندن یکریمی  
سکر غروش بورجی قالدیقنی وایشلمش فائضی  
قبول ایده میه جکنی مدافعه درمیان ایلمسی  
اوزرینه اولبایده اجرا قلنان محاکمه وتدقیقات  
نتیجه سنده منازع فیه سندلرده وعده نک انقضا.

سنده فائض مقاوله سنه دائر بر کونه صراحت  
اولدیغندن مذکور باقه وکیلک فائض ادعاسنک  
ردیله رأس المال اولان بشیوز الی غروشک الی  
ماهلق نمانی اولان یکر درت غروش اوتوز پاره که  
جمعاً بشیوز یتمش درت غروش اوتوز پاره دن

مدعی علیهک تسلیاتی اولان درتیوز قرق درت  
غروشک تزیلیله باقی قلان یوز اوتوز غروش  
اوتوز پاره نک مدیون مرقومدن تحصیلنه حکمدن  
ومستدعی تمیز وکیلک اشبو اعلام علیهنده  
باشلوجه اعتراضی منازع فیه سندلرده فائض  
مقاوله سی مندرج اولوب حاوی اولدینی مبلغک  
مع فائض تحت حکمه النسی لازم کلور ایکن  
فائض حکمدن طرف نظر اولنهرق بر منوال  
محرر قرار ویرلسی مغایر قانون اولدیغندن بمخله  
اعلامک نقضی استدعاسندن ومعاون مومی الیهک  
مطالعه سی دخی دعوی واقعه منافع عامه به متعلق  
اولق حسیلله اتنای محاکمه مدعی عمومینک  
مطالعه سی التحق لازم کلور کن مأمور مومی الیه  
استماع اولنماش وسند منازع فیه فائضی اولدینی  
حاله مبلغ مدعایهک بلا فائض تحصیلنه قرار  
ویرلمش اولسنه منی اعتراضات واقعه نک موافق  
قانون اولدینی بیانندن عبارت بولمشدر .

ایجابی مذاکره اولندقدن اعلام مذکور  
مندرجاتندن منضم اولدینی اوزره دعوی  
واقعه نک منافع عامه به متعلق اولدینی حاله  
اتنای محاکمه سنده مدعی عمومینک حضوریه  
مطالعه سنک استماع قلنماش اولسی واستدعا

تاریخندن اعتباراً فائض حکم اولنمی لازم کلور  
ایکن محکمه جه بوراسنه دقت ایلماسی اصول  
وقانونه مغایر اولدیغنه بناء اصول محاکمه حقوقیه  
قانونک ایکوز قرق برنجی ماده سی موجبجه  
اعلام مذکورک نقضه وقانون مزبورک ایکوز  
قرق درنجی ماده سی حکمنه توفیقاً کیفیتک  
بروجه محرر بالرؤیه اعلامه ربطی ضمننده محکمه  
مذکوریه به اعاده سنه وزیرده مفرداتی مرقم  
اوچیوز الی درت بقی غروش مصارف  
تمیزیه نک ایلروده حقسز چیقه حق طرفه رجوع  
ایتمک اوزره اول امرده مستدعی تمیز وکیلندن  
استیفا سنه ۲۸ تشرین ثانی سنه ۳۱۱ تاریخنده  
متفقاً قرار ویریلهرک تفهیم قلندی .

قوله بدایت محکمه سنندن ۳۰ نیسان  
سنه ۳۱۰ تاریخی و اوج عددی ایله ویریلان  
اعلامک تمیزنی استدعا ایدن قوله قصبه سنه  
مضاف کلک قریه سننده مقیم قوجه کهیا اوغلی  
حاجی عمر ایله مدعی علیهما قریه مذکورده  
ساکنه متوفی شغنان دانی کریمه سی عایشه وامینه

خاتونلر یوم معینده دائره به کلدکلرندن اصول  
محاکمه حقوقیه قانونک ایکوز یکریمی طقوزنجی  
ماده سی موجبجه تدقیقات تمیزیه اجراسنه ابتدار  
قلندی .

اعلام مذکورک خلاصه مالی مزبور تان  
عایشه وامینه خاتونلر پدرلری متوفی شعبان اغادن  
منتقل عهده تمککرنده بولنان کلک قریه سننده  
کاش معلوم الحدود برقطعه ده یکریمی دوئم مقداری  
ترالرینه مزبور حاجی عمر طرفندن وقوعبولان  
مداخله نک منعی طلب وادعا ایتملرینه قارشو  
عند المحاکمه مرقوم حاجی عمر دخی مدعابه ترالا  
قرق سنه دنبرو ککندو سنک تحت تصرفنده  
اولدیغنی مدافعه درمیان ایتمش ایسنده جریان  
ایدن محاکمه وتدقیقات نتیجه سننده منازع فیه ترالا  
مدعیان مزبورتانک پدرلری متوفای مزبورک  
حال حیاتنده عهده تصرفنده اولوب فوتیله  
مزبورتانه انتقال ایلدیکی اولبایده اقامه واستماع  
اولنان شهوک شهادتلی ولدی الاستلام طایبو  
کتابتندن وارد اولان جوابدن اکلشلدینی  
بیانیله مجله نک بیک سکر یوز اون سکرنجی  
ماده سی موجبجه مدعابه ترالیه مرقوم صمرک  
واقع اولان مداخله سنک منعه قرار ویرلدیکندن

ومستدعی تمیزك اشبو اعلام علیهنده لایحه سنده  
محرر باشلوجه اعتراضاتی مدعا به اراضی قرق  
سنه بی متجاوز عهده تصرفنده اولدینی حقنده  
عندالحا که در میان ایلدیکی مدافعه سنه مطابق  
کندوسندن یننه طب اولتمق لازم کلور ایکن  
محکمه مذکورجه بوجهته دقت اولنامسی مغایر  
قانون اولدیغندن بجنله اعلامك تقضی استعدا  
سندن ومدعی علیهمانك لایحه جوابیه لری مالی  
دخی اعتراض مذکورک غیر وارد اولدینی بیانیه  
ردی وموافق قانون اولان اعلامك تصدیقی  
طلبندن عبارت بولنمشدر .

ایجابی مذاکره اولندقدده اعلام مذکور  
مآلندن مستفاد اولدینی اوزره بدایه مدعی علیه  
بولنان مرقوم حاجی عمر منازع فیه اراضی بی  
قرق سنه دنبرو تصرف وزراعت ایلدیکنی  
مدافعه در میان ایتسنه کوره محکمه جه دفع  
مذکورینك مرقوم حاجی عمر اثبات ایتدیلمسی  
وانباتدن اظهار عجز ایتدیکی حالده مدعیستان  
مزبور تانك یننه سی استماع قلمسی لازم کلور  
ایکن محکمه مرقومه جه بوراسنه دقت اولتمق سزین  
بروجه محرر حکم اولتمسی مغایر قانون اولدیغنه  
ومستدعی تمیزك اعتراضی دخی بوجهته متدائر

اوله رق موافق نفس الامر کورلدیکنه بناء  
اصول محاکمه حقوقیه قانون موقتک ایکوز  
اوتوز ایکنجی ماده سی موجبنجه اعلام مذکورک  
تقضیه قانون مزبورک ایکوز قرق دردیجی  
ماده سی حکمنه توفیقاً کیفیتک یکیدن بالرؤیه  
اعلامه ربطی ضمنتده محکمه مذکوره به  
اعاده سنه وزیرده مفرداتی مرقم بشیوز اون  
اوج غروش مصارف محاکمه نك ایلروده حق سز  
چیه جق طرفه رجوع ایتک اوزره اول امرده  
مستدعی تمیز دن النسنه ۱۲ کانون ثانی  
سنه ۳۱۰ تاریخنده متفقاً قرار ویرلدی .

بارطین بدایت محکمه سندن ۲۵ تشرین ثانی  
سنه ۳۱۰ تاریخی ویکرمی سکز عددی ایله  
اعطا قلنان اعلامك تمیزینی استدعا ایدن بارطین  
قصبه سنك اطه مسجد محله سنده ساکن خانجی  
احمد و عثمان اغالر وکیل حسن تحسین افندی  
یوم معینده دائریه ورود ایدوب مدعی علیه  
محله مذکورده مقیم ملتزم نعلبند اوغلی محمد

کلدیکی کبی جواب لایحه سی دخی کوندر مامش  
اولدیغندن یالکز وکیل مومی الیهک ایضاحات  
شفاهیه سیله باش مدعی عمومی معاونلرندن سعادتلو  
بورغا کی افندیکنک مطالعه سی استماع قلندقدنصکره  
تدقیقات تمیزیه اجراسنه ابتدار اولندی .

اعلام مذکورک خلاصه مالی مرقوم محمد  
اوچیوز اون سنه سنه محسوباً مرقومان احمد  
وعثمان اغالر ایله مشترکاً التزام ایتمش اولدقلمری  
بلدیهنک دخولیه رسومندن طولایی الاجنی اولان  
درت بیک طقوز یوز طقسان طقوز بیق غرو  
شک مرقومانندن تحصیلی طلب ودعوی ایتسی  
وعند المحاکمه مدعی علیهما طرفندن مبالغ  
مذکورک دینلری ایدوکی انکار ایدلمسی  
اوزرینه مبلغ مدعا بهدن درت بیک اوچیوز  
غروش مدعیکنک مدعی علیهما ذمتنده الاجنی  
اولدینی استماع قلنان شهودک شهادتیه ثابت  
اوله رق فضله ادعاسنی مدعی مرقومک اثباتدن  
اظهار عجز ایله خصمی مرقومانک تحلیفی طالب  
اولماسننه بناء فضله حقنده دعواسنک ردیه  
ثابت اولان مبلغ مذکورک پروتستو تاریخندن  
اعتباراً مع قاض مرقومانندن تحصیلنه وداین  
طرفندن مدیون مرقومانک معلوم المقدار ذخیره

سی اوزرینه موضوع ججک تصدیقیله برابر حکم  
واقعتک موقه اجراسنه قرار ویرلدیکندن  
ومستدعی تمیزلر وکیلک اشبو اعلام علیهنده  
باشلوجه اعتراضی دعوا ی واقعه حقوق عادیهن دن  
متولد اولدینی حالده تجارت صفتیه فصل ورؤیت  
اولتمسی واساسه کلنجه بوکی ادعالمک سندله اثباتی  
لازم کلور ایکن صراحت قانونیه به قارشو شهود  
شخصیه استماع قلمسی مغایر قانون اولدیغندن  
بجنله اعلامك تقضی استدعاسندن ومعاون مومی  
الیهک مطالعه سی دخی دعوا ی واقعه قسماً  
کفالتنه مستند اولدینی کبی اساساً دخی بدل  
التزامدن متولد اولدیغنه ومعاملات التزامیه دن  
منبعث دعاویکنک حقوق عادیه محاکمنده رؤیتی  
قانوناً لازمه دن بولندیغنه منی وظیفه حقنده  
در میان اولنان اعتراضک موافق قانون اولدینی  
بیانندن عبارت بولنمشدر .

ایجابی مذاکره اولندقدده اعلام مذکور  
مطالعه سندن منفهم اولدینی اوزره دعوا ی  
واقعه نك تجارت صفتیه فصل وحسم اولندیغنه دائر  
برکونه صراحت اولدیغنه منی مستدعی تمیزلر  
وکیلک وظیفه حقنده کی اعتراضی غیر وارد  
کوریلرک رد ایدلکد نصکره اساس مصاحتک

مذاکره سنه کریشل کده دعوی مذکورہ الزام والتزامہ دائر اولدینی و بونک ایسه بینہ تحریریه ایله اثبات اولنمق لازم کلدیکی حالده خارجده وقوعبولان اقرار مجرد اوزرینسه اقامه شهود اولنهرق حکم اولنمی مغایر اصول وقانون اولدیفنه بناءً اصول محاکمه حقوقیه قانوننک ایکوز قرق برنجی مادهسی موجبجه اعلام مذکورک تقضیه قانون مزبورک ایکوز قرق درنجی مادهسی حکمنه توفیقاً کیفیتک یکیدن بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقم درتیوز اون طقوز بچق غروش مصارف تمیزیه نک ایلروده حقسنز حقیقه جق طرفه رجوع ایتک اوزره اول امرده مستدعی تمیزلردن النسنه ۲۷ جزیران سنه ۳۱۱ تاریخنده متفقاً قرار ویریلرک وکیل مومی الیهه تفهیم قلندی .

اعلام مذکورک خلاصه مآلی مرقوم حاجی صاری زاده محمد ایله مزبور عرب اوغلی محمد بیننده متکون خانه دعوا سنه دائر محکمه مذکورہ دن صادر اولان اعلام غیابی علیهنه مزبور عرب اوغلی محمد طرفندن اعتراض علی الحکم عرضحالی اعطا قلنمش ایسه اولبابده ویرمش اولدینی استدعاده طرفینک صفتلری ذکر ایدلامش اولدیفندن اصول محاکمه حقوقیه قانوننک یوز الی سکرنجی مادهسی موجبجه مذکور اعتراض استدعاسنک ردینه حکمدن ومستدعینک اشبو اعلام علیهنده لایحه سننده محرر اعتراضنک باشلوجه بوکی استدعالرده طرفینک اوصاف واقامتکاهنک کوسترلمسندن مقصد قانونی تعیین هویتلرندن عبارت اولسنه و طرفینک هویتی ایسه محاکمه غیابیهده تحقق ایلسنه نظراً اعتراض استدعاسی شولزوم

قوش اطهسی بدایت محکمه سندن ۲۲ تموز سنه ۳۰۸ تاریخی والتي عددی ایله صادر اولان اعلامک تمیزینی استدعایدن قوش اطه قصبه سننده

قانونی بی جامع اولسنه بیله شایان قبول اولدینی حالده محکمه جه بوراسنه دقت اولنمقسزین استدعای مذکورک رد ایدلسی قانونه مغایر اولدیفندن بمثلله اعلامک تقضی استدعاسندن ومدعی علیهنک لایحه سننده محرر نتیجه اجوبهسی دخی اعتراض واقع واهی اولدینی بیانیه ردی واصول وقانونه موافق اولان اعلامک تصدیقی طلبندن عبارت اولنمشدر .

ایجابی مذاکره اولندقده اعلام مذکور مندرجاسندن منضم اولدینی اوزره ذات دعوی حکم غیابی علیهنده ویرمش اولان اعتراض استدعاسی اوزرینه جزیران ایتمکده اولسنه و طرفینک هویتی سبق ایدن محاکمه غیابیهده تبین ایتسنه بناءً اعتراض استدعاسنده صفتک یازملا مسی رد استدعایی موجب اولدینی حالده محکمه جه بوراسنه دقت ایدلیهرک استدعای مذکورک رد ایدلسی اصول وقانونه مغایر ایدوکنه ومستدعینک اعتراضی دخی بوجهته متدائر اولهرق شایان قبول کورندیکنه بناءً اصول محاکمه حقوقیه قانوننک ایکوز اوتوز ایکنجی مادهسی موجبجه اعلام مذکورک تقضیه وقانون مذکورک ایکوز قرق درنجی مادهسی حکمنه

توفیقاً کیفیتک یکیدن حکم واعلامه ربطی ضمننده محکمه مرقومه به اعاده سنه وزیرده مفرداتی مرقم درتیوز یکرمی درت بچق غروش مصارف تمیزیه نک ایلروده حقسنز حقیقه جق طرفه قائد اولمق اوزره اول امرده مستدعی عرب اوغلی محمد دن النسنه ۱ کانون اول سنه ۳۱۰ تاریخنده متفقاً قرار ویرلدی .

بک اوغلی بدایت محکمهسی برنجی حقوق دائره سندن ۵ کانون ثانی سنه ۳۱۰ تاریخی وایکیوز سکسان سکز عددی ایله صادر اولان اعلامک تمیزینی استدعایدن بک اوغلنده ناز سوقاغنده مقیم دیون عمومیه عثمانی مکتوبی معاونی عزتلو اراستیدی افندی یوم معیننده دائره به کلهرک مدعی علیه استانبولده بانچه قیوم سنده ساکن طوپوز اوغلی ایساق کلدیکی کبی جواب لایحهسی دخی ویرمدیکندن مومی الیه اراستیدی افندینک ایضاحات شفاهیسی استماع

قلندقدنصرکه تدقیقات تمیزیه اجراسنه ابتدار  
اولندی .

اعلام مذکورک خلاصه مآلی مرقوم  
ایساقک مومی ایله اراستیدی افندی ذمتده  
بامفردات جهت قرضدن مطلوبی اولان غیراز  
استیفا یکریمی اوچ لیرانک تحصیل حقدده صادر  
اولان اعلام غیابی علیهنده افندی مومی ایله  
جانبدن وقوعبولان اعتراض علی الحکم عرخیالی  
اوزرینه وجاها سبق ایدن محاکمهده معترض علیه  
مرقوم مبلغ مدعا بهک معترض مومی ایله ذمتده  
الاجنی اولدیغنی مین چند قطعه مکتوب اراثة  
ایتمسنه قارشو مومی ایله اراستیدی افندی دخی  
مبلغ مدعا بهی مرقوم ایساقه سائر دیونانی صره.  
سنده ایفا ایتدیکنی افاده وبرقطعه اعلام شرعی  
ابراز واعطا ایتمش ایسهده مکاتب مبرزه ثبوت  
مدعا به کافی اولدیغنی کبی اعلام مذکور دخی  
ابراء عامی محتوی اولدیغنه ومبلغ مدعا بهک  
اعلام مذکور خارجنده مطلوبی اولدیغنی مرقوم  
ایساقک اثبات ایده مامسنه مبنی مبلغ مذکورک  
ابرابی متضمن اعلامده کی مبالغدن خارج  
اولدیغنه دائر معترض مومی ایله هک اجرای  
تحلیفه قرار ویریلهرک تعیین قلنان یوم محاکمهده

معترض مومی ایله هک اجابت ایتمامسی اوزرینه  
اعتراض عرخیالک ردینه حکمدن ومستدعی  
اراستیدی افندی اشبو حکم علیهنده کی اعتراض  
ضنک باشلوچه سی صوک دفعه تعیین قلنان کونده  
کندوسنک محکمه به کله مامسی مهم بر ماده دن  
طولانی محل مأموریتدن انفکاک ایده مامسندن  
نشأت ایتمش واشبو معذرتی منسوب اولدیغنی  
دیون عمومیه دائره سندن محکمه به باتذکره  
بیایدیرلمش اولدیغنی حالده محکمه به تبلیغ واقعه  
حواله سمع اعتبار قلنمه سزین اعتراض عرخیالی  
لنک ردینه قرار ویرلمسی مغایر قانون اولدیغندن  
بمثله اعلامک تقضی استدعا سندن عبارت  
بولنمشدر .

ایجابی لدی المذاکره تمیزی طلب اولنان  
اعلام مذکور مآلندن اکلا شلدیغنی اوزره  
مومی ایله اراستیدی افندی علیهنده صادر  
اولان اعلام غیابی اوزرینه اعتراض علی الحکم  
عرخیالی اعطا ایتدکن وبر درجه به قدر محاکمه  
وجاها جریان ایتدکن نصرکه اخیراً تعیین قلنان  
کونده معترضک عدم اجابتنه مبنی اولبایده  
عرخیالک ردینه قرار ویرلمش ایسهده انجق یوم  
مذکورده معترض مومی ایله هک اداره جه اولان

مهم برمشغولیتدن طولانی محل مأموریتندن  
انفکاک ایده میه جکی بیانیه یوم محاکمه نک وقت  
اخیره تعلیق منسوب اولدیغنی دیون عمومیه  
اداره سندن باتذکره طلب اولنسنه نظراً  
محکمه جه اشبو معذرته بناء یوم محاکمه نک  
بر موجب طلب یوم آخره تعلیق لازم کلور  
ایکن تبلیغ واقعه حواله سمع اعتبار اولنمه سزین  
عرخیال مذکورک ردینه قرار ویرلمسی یولسز  
ومغایر اصول وقانون بولنمش ومستدعی اراستیدی  
افندیک باشلوچه اعتراضی بوجهته متدائر  
اولهرق شایان قبول کورنمش اولدیغندن اصول  
محاکمه حقوقیه قانوننک ایکوز اوتوز ایکنجی  
ماده سی موجبجه اعلام مذکورک تقضیه قانون  
مزبورک ایکوز قرق دردیجی ماده سی حکمنه  
توفیقاً کیفیتک اعلامه ربطی ضمننده محکمه  
مرقومیه اعاده سنه وزیرده مفرداتی مرقم  
درتیوز طقوز بچق غروش مصارف تمیزیه نک  
ایلروده حقسنز چیه جق طرفه رجوع ایتمک  
اوزره اول امرده مستدعی اراستیدی افندی  
اخذ واستیفا سنه ۱۶ مایس سنه ۳۱۱ تاریخنده  
متفقاً قرار ویریلهرک تفهیم قلندی .

قره حصار صاحب سنجانی بدایت محکمه سی  
جزا دائره سندن ویریلان ۱۶ رمضان سنه ۳۱۲  
و ۲۸ شباط سنه ۳۱۰ تاریخ و یوز یکریمی درت  
نومرولی اعلام واوراق متفرع سی باش مدعی  
عمومیک مأموریت علیه سندن ۲۴ ربیع الاول  
سنه ۳۱۳ و ۲ ایلول سنه ۳۱۱ تاریخ و بیک  
درتیوز طقوز نومرولی تبلیغنامه ایله محکمه تمیز  
جزا دائره سنه اعطا قلنمه غله مطالعه اولندی .

مذکور اعلام مآلی صدقلی قضاسنه تابع باش اغاج  
قریه سی اهالی سندن عبدالرحمن اوغلی عمرک قتلی  
وبرادری حسنک جرحی ماده لرندن دولایی  
جنایت وجنحه ایله اتهام اولنان قریه مزبورده لی  
رمضان اوغلی رنجبر حمزه ایله قاتلانی قیران اوغلی  
محمدک اجرا قلنان محاکمه لری نتیجه سنده مرقوم  
ماندن حمزه نک من غیر تعمد قتل مذکورده  
اجتساری ثابت اولدیغندن مجرمیتنه وجزا قانون  
نامه هایوننک یوز یتمش دردیجی ماده سنه تطبیقاً  
اون بش سنه مدتله کورکه قونلمسنه ومحمدک دخی  
مدعی شخصی حسنی جرج ایتدیکی اکلا شلد  
یغندن الی ماه مدتله حبس ایدلمسنه فی ۱ شباط  
سنه ۳۱۰ تاریخندن قرار ویریلهرک تفهیم قلندی  
حاویدر .

سالف الذکر تبلیغنامه دخی متوفانک معاینه سنی حاوی راپورطده ورثه نك عدم موافقته مبنی فتح میت عملیاتی اجرا اولته مدینی حالده اسباب وفانک مجهول قالدینی کوسترملک لازم کلورکن اجل موعودیه وفات ایتدیکنک بیان اولنمی معاینه ودلائل فنیبه مستند اولدیقندن ومتوفانک جریحه نتیجه سی اوله رق وفات ایتدیکندن بختله متهم مرقومک اولوجهله مجازانه حکم اولنمش ایسه ده مذکور راپورطک جرح وابطالی فتنه واوده اهلنه طائد اولوب بونک طوغریدن طوغری به محکمه طرفندن ابطال مندرجاتنه کیدلسی مغایر اصول اولدینی کبی ولو راپورطک مندرجاتی سبب وفانک اکلاشیه مدیفنه دائر اولسون مادامکه بوضورت فنا مجهول قالمشدر اولخالده احتمال شقینده متهمک لهنه تعلق ایدن جهتک التزامی قاعده کلیه قانونیه دن بولندیقنه مبنی حکم مذکورده اصابت کوریه مدیکندن اعلام مذکورک تقضی طلبینی محتویدر .

اورق سائر ماللری دخی معلوم اولدقدن صکره رأساً تابع تمیز اولان حکم غیابیدن دولای تدقیقات تمیزیه اجرا اولندقده راپورتنک جرح وابطالی فتنه طائد ایکن محکمه طرفندن

ابطال مندرجاتنه کیدلسی حقنده تبلیغنامه ده بیان اولنان اعتراض بجا اولوب معامله مذکورده ایسه اصول محاکمهی مغل و نقض حکمی موجب اسباب قانونیه دن کورلمکله اصول محاکمات جزائیه قانوننک اوچیوز اونبرنجی ماده سنه توفیقاً اعلام مذکورک نقضه وتمیز اعلامی خرجی اولان ایکیوز غروشک محکمه تمیز جزا دائره سنه کوندرملک اوزره تحصیل لزومنه ۷ ایلول سنه ۳۱۱ تاریخنده قرار ویرلدی .

فی ۱۹ ربیع الاخر سنه ۳۱۳  
وفی ۱۶ ایلول سنه ۳۱۱



قره حصار صاحب سنجاغی بدایت محکمه سی جزا دائره سندن ویریلان ۱۶ رمضان سنه ۳۱۲ و ۲۸ شباط سنه ۳۱۰ تاریخ و بوز یکریمی اوج نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۴ ربیع الاول سنه ۳۱۳ و فی ۲ ایلول سنه ۳۱۱ تاریخ و بیک درتیوز بش نومرولی تبلیغنامه ایله محکمه تمیز جزا دائره سنه اعطا اولنقله مطالعه قلندی .

اعلام مذکور مالی لواء مذکور داخلنده واقع صندوقی قضاسنه تابع کیکلر ناحیه سی اها لیسندن کوسه ولی اوغلی مصطفی چاوشک قتل اولنمندن دولای جنایتله اتهام اولنان قصبه مرقومه لی تیمورجی حسن اوغلی بکرک اجرا قلنان محاکمه علیه سنه اثنای منازعه ده بالتهور من غیر تعمد قتل مذکورده جرأتی ثابت اولدیقندن اولوجهله مجرمیتنه وجزا قانوننامه هایوننسک یوز یتمش دردنچی ماده سنه توفیقاً بعد التشهیر اون بش سنه مدته کورکه قونلمسنه اوچیوز اونبر سنه سی شباطک برنجی کونی قرار ویریله رک تفهیم قلندیقنی بیانندن عبارتدر .

تبلیغنامه ده دخی حضور محاکمه کی افاده لرینک معتبرتی محکمه نك تحت تقدیرینه کیرن شهودک مذکور افاده لری اثنای نزاعده مقتول طرفندن ابتدا متهمه ایکی دفعه روولور اتلدیقنه دائر اولدینی و وکیلک مدافعاتنده بوجهتنده درمیان اولدینی حالده محکمه جه جهت مذکورده نظر دفته التهامش ایدوکنندن اعلام مذکورک تقضی طلب اولنمشدر .

سائر اوراق دعوی مندرجاتی دخی اکلا شلدقدنصکره تدقیقات تمیزیه اجرا اولندقده

متهم مرقوم بکرک مدافعه وافاده سی بینلرنده تحدث ایدن منازعه اراسنده مرقوم مصطفی چاوش طرفندن ایکی دفعه روولور انداخت اولندیقنه وقورشونک اصابت ایتامسبله بجاقله دخی اوزرینه هجومله قارنندن جرح ایدلد یکنسه و کندوسیده الندن بجاغی الهرق مرقومی جرح و قتل ایدلد یکنسه دائر اولوب کرچه متهم مرقومک بجاقله مجروحیتی حقنده کی مدافعه سنک بطلانی محکمه جه اجرا قلنان تحقیقات عمیقه ایله تحقیق ایتمش و مجرمیت قرارنده دخی اسباب موجب سر دیله بو افاده سی رد ایدلمش ایسه ده اولا مقتولک ایکی دفعه روولور انداخت ایتدیکنه متدائر اولان افاده و مدافعه سی ایکی نفر شاهدک شهادت لر یله دخی تأید ایتدیکی حالده بوجهتک نظر دفته التهامش و برده آلت قتل اولان بجاغک مقتول ایله متهمدن قغیسنک اولدینی حقنده اجرای تدقیقات اولنماش اولدینی اعلام مذکور مفادندن مستبان اولسنه واحوال مذکورده ایسه اصول محاکمهی مغل و نقض حکمی موجب اسباب قانونیه دن بولنسنه مبنی اصول محاکمات جزائیه نك اوچیوز اون دردنچی ماده سنه توفیقاً اعلام مذکورک بر موجب تبلیغنامه نقضه وتمیز اعلامی خرجی اولان ایکیوز غروشک محکمه

تیمین جزا دائره سینه کوندر ملک اوزره تحصیلنه

۶ ایلول سنه ۳۱۱ تاریخنده قرار ویرلدی .

فی ۳ جمادی الاولی سنه ۳۱۳

و فی ۹ تشرین اول سنه ۳۱۱



## اعلان

خدیجه خانمک عایشه صدیقه خانم ذمتنده

محکوم به الله جنی اولان مبالغتک تأمین استیفا سی

ذمتنده مدیونه مزبوره نك طویخاننده برنجی سد

زوقاغنده اون درت نومرولی خانه نك نصف

حصه شایه سی لیدی المزیاده التي بیك غروش

التون بدل ایله طالبی عهدده سنده تقرر ایتمش اولمغله

تاریخ اعلاندن اعتباراً اوتوز بر کون ظرفنده

بدل مذکور اوزرینه یوزده بش ضمیله طالب

اولانلرک بک اوغلی اجرا مأموریتی جابینه

مراجعت ایتملی اعلان اولنور .

فی ۱۶ تشرین اول سنه ۳۱۱

زراعت بانکه سنک یانیله عزتلو محمد عاصم

اقدی ایله حلیله سی و کفیلی نسیمه خانم ذمتلرنده

الاجنی بولنان معلوم المقدار مبالغتک تأمین استیفا .

سی ذمتنده بانکه نامنه مرهون اولوب مومی

الیهمادن نسیمه خانمک متصرفه بولندیغی یکی

بغچه ده کچه جی قره باش محله سنده زینل اغا

زقاغنده واقع ملک و کدکی حاوی اونبر نومرولی

بوستان ایله محل مذکورده کچه جی پیری محله سنده

نایزن زقاغنده واقع ملک و کدکی حاوی اون اوچ

نومرولی منزلی مشتمل اونبر نومرولی بوستانک

زراعت بانکه سی نظامنامه سیله اجرا قانونی احکا .

منه توفیقاً تاریخ اعلاندن اعتباراً اون بش کون

صکره بالمزایده فروخته تشبث اولنه جنی

درسعادت اعلامات نظامیه اجرا دائره سندن

اعلان اولنور .

فی ۱۲ تشرین اول سنه ۳۱۱